

四庫全書

集部

欽定四庫全書

集部

御製詩三集卷二

詳校官侍郎

臣謝墉

助教

臣

常循履勘

總校官原任中允

臣王燕緒

校對官中書

臣

朱圻

謄錄監生

臣

曹勲祖

欽定四庫全書

御製詩三集卷一

古今體七十五首

庚辰一

庚辰元旦

紀部循環五運推三靈引達正昌時歲惟振美期農稔
月應孟陬與物怡湫氣閭閻調律琯羣生嘒嘒沐春祺
武成敢詡堯封廓敬久還求禹甸治

元旦試筆

金史卷一百一十五
卷一
榑木初輝少海紅敷天春色遍寰中撓支振美資三始
王路由唐達大蒙銀箭漏聲遲細細墨壺香氣暖融融
綵箋試筆今年幸耆定伊西早勒功

三白先春燠沐舒鳳樓瑞氣曉扶輿金泉應律聞龍戶
玉陛朝正引象胥赤縣東西一尉候黃圖南北共車書
家饒室裕均希彼保泰求安敢懈予

元正太和殿朝會庸作歌

晨叅畫會肅朝儀正殿春融赤羽旗考夏綜周原舊典

夏球舞籥迓新禧十年一舉寧為數

正殿朝會雖舊典然率不舉行庚午

以平定金川又朕四旬之慶故一舉行茲西師武成綏服回部拔達克山安集延哈薩克布魯特皆稱臣入貢

魚值五旬大慶故命循例宴饗

萬國來同倍切寅吏治民生厯宵旰問

方詎止藉斯時

祥花瑞葉玉樓棲慶恰占年景福禔耆定不期徠默克

安和惟是洽羣黎湯陳漢殿魚跳水却聽天方鳳奏西

時將軍兆惠自葉爾奇木得回部樂奏送適至因命於大饗所陳諸部未肄之其器有大小鼓蕭管提琴洋琴

之屬其伎有倒刺都簪筆誰成元會賦持盈應悉敬彌廬及承盃轉磔之屬

金安四庫全書
卷一
躋

葉爾奇木驛貢石榴蘋果木瓜三種詩以紀事

大宛天馬早歌徠果品惟三致自回張協金牙斯漏賦
牂牁蒟醬此殊開詎曾燕趙移根往且共瓊琚已貢來
慎德何須却食物兢兢敢詡暇章恢

偶為五君子圖仍疊舊韻題句

飛潛動植質縱殊何一弗具天地性植中君子數有五
貞介寧隨衆草病各各圖貌傳其神玉磬真稱善起興

譬三百皆屬風人此是二南非衛鄭螭坳綈几延清伴
色暎祥靈春始孟幾餘命筆聊仿為寓意要不失乎正
藝林偶涉那求工玩物誠恐妨於政

敬勝齋

君道典謨備始終惟一欽丹書爰取義白室此為箴常
有圖書伴如承師保臨凜乎朽索喻逸豫敢萌心

題靜怡軒

彤宮宴息處清舒敞雲楣綽䟽例弗却

宮中棟宇珠綴
例用藻績

奢厭施琴書箇中富間亦陳鼎彝穆然古興對三代興
翹思漢唐兩文帝尚未窺藩籬三代詎易言以此增忸
怩側席恒不遑奚曾靜且怡

詠扎卜扎雅木椀

西藏出此木云草根結成者以為椀能解諸毒鏤
鐵為室彼中貢品最珍物也

椀室飛龍鐵鑄形草根為木韞仙靈伊蒲法食常陳座
方物丹書亦貢庭

藏中每歲遣使來貢例於
初春進丹書以祝新禧 珍比華琳

纔出璞綽如孔雀乍開屏咸賓縱足昭文軌堯舜還慙
歡土釧

題元五名家合璧卷

岸石汀沙水一灣閭閻獨把釣車間雙松平遠契神韻

孟頫有雙松平遠卷似貌伊家伯仲間

右趙雍松溪把釣

釣圈畧異楊家法春滿冰心雪壓腰何礙傍人呼作杏
問他杏得爾清標

右王冕墨梅

畸人間泛綠溪濱相摧微言不可聞便使下風聞一二
赫胥前事那區分

右朱澤民清溪客話

古屋深林柯葉輟樂飢高志抗由巢杜陵點筆成秋興
且喜西風未捲茅

右張觀茅堂倚詠

依林結宇翠陰濃閉戶經年客鮮逢谷口板橋不妨設

叢條都解掃塵蹤

右方從義廻溪林屋

新正養心殿

西師歸振旅東陸舒由庚
執徐奉執規持躬凜持盈
三白兆宿歲萬幾簡新正
間中足養心而予有所忤
懷安
豈良圖無逸斯元亨自強
勵不息善長時偕行

降旨免甘省辛巳年正供詩以紀事

邊省民風淳是予亟嘉眷
師旅所由經能無勞郡縣
連

歲免正供給值酬輸轉遇災仍賑恤間閭惠遍即今
縱武成休養寧當緩叶預免循向例去歲即預免今歲正供矣初春
頒渙汗惠心勿問吉助陽實政見

王淵鸛鵒梅雀

鸛鵒噪枝頭麻雀為驚起由來小畏大物情詮易理在
上貴不驕其祥來止止

祈穀齋居

元正昨纔過翼日齋居虔祭無不用敬况此祈民天慶

典例弗舉在簾徹樂懸歲前已立春春屏朱戶駢秋金
雙麥穗綵綺太平錢徵吉匪為已所願豐農田蓮漏遲
銅壺幾暇殊清便安靜迓崇禧無妨什華篇

竹琴

庸詎中郎爨下來應緣從事宅邊材虛心雅似大絃義
勁節全將次柱該鳴鳳棲鸞誠不忝秋風涼月也堪陪
漆膠布藻渾無藉便是詩中有別裁

鄒一桂梅竹

金匱要略卷之三
卷一
碧琳竹與粉珠梅著壁多時謝別裁尋詠畢然緬江左
平安春信早傳來

詣齋宮疊去歲韻三首

辰木庚金歲德陽躬親祀事我其覆春朝候早將于耜
詣宿惟殷祝錫穰

春色皇州日午中六街三市瑞煙籠大光延美誠斯日
磐石苞桑敢懈衷

和閭憑輦謁觀諸九陌依然積雪居今歲景光勝去歲

惕乾即切慶忻餘

祈穀禮成述事

祈年寶殿聳三成松蓋芝田積瑞霏五位

天行臨上日

辛穰歲德合陽庚芬芬懿懿陳籩豆濟濟踴踴引辟卿
駢疊

圓靈昭貺祉誠忻誠感畏尤誠

竹如意

金匱要略卷一
本足貧富節幻為蒼筤花指揮寧復落金矣不重沙

金廷標鬻茶圖

繡壁琳溪綠陰漱擇勝建城權歇擔龍腦不入恐奪真
鳳髓小異何妨淡滌煩喜就碧梧風供役且殊陽武僮
然疑突間祀陸羽依稀椀際遇盧仝周昉寓意古無比
小幅傳神頗清美已飢已溺禹稷懷渴亦人情吾廬此
新正重華宮侍

皇太后宴

鳳輦臨龍閣新年第一祥彤庭增喜氣綠野遍春光欣
荅初韶令欽稱

萬壽觴松檟蘭百和勝帖燕雙翔綵服孫曾繞

遐齡日月長宮中行

樂養欲以化羣方

三友軒

妙蹟緣收益友三名軒聊復助佳談詎惟笈裏古香挹
更愛窓前生意含觸目無非遠塵俗會心皆可入研覃

幾餘適足供清賞廣厦千間憶輒慙

柯九思白雲精舍圖

精舍惟聞稱白雲主人姓氏未教聞箇中若用鼠鬚筆

書法何如王右軍

九思自識云用張可鵬硯郭忠恕墨故戲及之王右軍得此筆法於白雲

先生亦有出也

過日

武城歌振旅長途歸凱軍汜勝占三白積玉遍塍鱗
過日更有喜次第奏章聞王畿固普被河南北亦均於東

逮登萊於西則晉秦江浙及荆襄盈尺報鋪銀深消遺
蝗種淨蠲癘氣氛氛兵後不易值何修沐

天恩敬勤惟益黽遑敢忽笑嚙休養愜恒願額慶同吾
民

題唐寅曉林慈烏

反哺烏之性自然人生百行孝為先指烏興孝為圖者
未讀騶人告子篇

重華宮曲宴御前藩王大臣侍衛及內廷翰苑諸

臣即席得句

曲宴重華隔許年

自丙子新正賜宴侍臣於今已五年矣

盱宵惟是塵籌

邊却欣汜勝占三白況值武成拓八埏嘉與賢藩酬綺
節便宣翰苑賦瑤篇尚懷奏凱歸來者風雪長途正著
鞭

新正重華宮錫宴聯句

有序

穰金紀歲豐玉迎春萬彙所以由庚喜誌昭華之
瑄六師於焉洗甲懽行酺樂之樽爰因嘉會以聯

情用撰芳朝而展宴時也宜人序近七種菜先拋
幾日膏融

祈穀辰過九微燈預試一旬風暖舊藩新屬咸依釦砌
敷茵樞府詞垣共拓芸窓給札晴延綺旭溫樹龍
慈潤帶瓊霏唐花醞醇快覩臺端景慶雅奏初調
漫呈檻畔魚龍彌文詎侈槃薦天方之果蒲萄苜
肴魚珍拍諧默克之音僭侏毘離並采傳呼懸客
既手擅跣丸宣賜焦童亦身嫺倒刺凡以備昇平

之盛事寧將崇雕績之浮辭況看虎帳凱旋飲至
禮隆郊勞即佇龍樓倬獻受成歡洽登歌緬億年
保泰惟殷摛七字母忘規頌咨百執膺颺斯水屬
五巡正叶疇圖

御製朱鳥龍樓積素晴筵開翰墨韻重膺青陽初祉欣同
迓

丹地新禧肇大亨響徹鈞天如噦鳳人來昧谷快遷鶯
衣冠侍

陸趨元會

臣傳恒

干羽陳階賀武成勃律不煩招尺簡高

昌早見繁長纓于闐遠獻方流璞

臣來保

渥水頻牽

汗血驊金葉表通諸國字綠頭籤押外藩名十千

稼兆三秋實

臣史貽直

戊巳屯開萬里耕柑先一旬分

裏帕蒙當五葉恰抽萌波融雞塞辭輸輓

臣蔣溥

御製

沙暖龍塹免踐更舒疊羣知方出震執徐兼值大橫

庚崇文行令非為數

賜復宣綸亦既并擊壤謳謠傳野叟負經踴躍徧新甞

衢尊滿挹膏滋益

臣劉統勲

厨蕙和扇露擢莖大地歡

騰昭豫順

圜壇禮備格

純誠東華韶共

儀鎗轉

臣陳惠華

南陌春隨爆竹訇旛綴椒花芳氣洽簷霏

柏子篆烟橫華茵列東西序

臣劉綸

葩瑤瓔垂大

小檠捧爵一時承燕衍籌邊五載仰

權衡風傳月竈銷烽堠

臣董邦達

御製

水挽河源洗甲兵
厄魯王庭淨遺騎
筠沖回部列編氓
凱旋佇錫太平宴

豐慶還開不夜城
凸鼻襁兒羣接踵
冒角技儼

公棚銅絃急撥龜
茲調

臣表曰修

檀柱徐搗郝索箏
巖

袖花冠紛拉還蠻
簫羯鼓遞嚶鏗
弄丸脫手雙拳

捐

臣于敏中

納卯承眈一目瞠
碧椀空中矜妙旋
長竿

齒上詫孤撐曲翻
于為珠聯袂

臣介福

術幻倂僮錦

倒翮聳體翩翹疑
驚濯懸跟彳亍學
夔蟬轆轤貼

地侏儒小

臣金德瑛

御製宛轉登場傀儡輕舞雜都盧觀曼衍樂陳僭侏叶和平作歌敢忘欽哉意

獻頌惟抒敬爾情躔正南弧環壁曜暉明西巘麗霄崢自

天題處仙毫潤

臣觀保

繞座看時瑞采生簡授螭坳思乙

乙壺傳虬漏響丁丁那居豈弟魚依藻

臣錢汝誠

式燕

笙簧鹿食草仙木歲蕤臨晝檻綺錢飄颺對文楹

稱身囊錦當膺佩

臣王際華

如意雕瓊盥手擎十字甘

應逾說餅五侯鯖詎數調羹雲腴嫩浥分佳茗

臣錢

維城

御製

霜顙香回擘細橙三品堆盤西域果百珍飮盒大官

錫綵屏寶勝迎人日

烏弋黃支奉

夏正翠甲待挑七種菜豐貂齊晉

萬年觥謝莊衣點三英粲

臣寶光鼎

汜勝書占百穀精太族

律調鞀轆掌孟陬次應攝提貞雲凝鳩鵲寒猶峭

臣張泰開

玉琢狻猊貌尚獐蒲類水澄開赤縣崑崙關

遠接瑤京鰈鷁奉書占風至

臣金姓

葵藿披忱向日

傾卽啟

鳳閣傳獻馘早看魚海拜來俘春臺人共登三壤

臣倪承寬

御製

壽寓思將遍九瀛北漠喜睽東壁侶唐花爭共臘梅

榮一家中外誠斯際對侑卮惟慎奉盈

沈周石湖圖

行春橋及上方山厯厯曾經想像間老沈真齊黃與范
坐遊那費往和還今非今亦昔非昔忙自忙兮閒自閒
寄語桂坡

沈周自識為桂坡先生作

應好在對圖羸得幾酡顏

人日瀛臺即目

問

安長樂噦驚聲佳祉欣占人日晴祇以對時懷位育因

之取便到蓬瀛歲華見說登臺賞國典惟遵徹樂韻

是日

忌辰例

不舉樂寶月樓頭春色好為田一攬萬民情

登寶月樓

聳出宮城五色雲
皇都佳氣鬯氤氲
居中攬外襟懷暢
擊轂摩肩臈植殷
正看銀屏當七日
且遲玉鏡與平分
近臣惟是知有喜
那識持盈一念勤

賦得漱芳潤

窈窕雲廊轉邃清
芸閣通經書趣有
永翰墨樂無窮
潤發心源濬芳含
意蓋融集虛原
踐實釋躁匪談空
浴德期瀝漬研精
勉擴充詎惟資藻
句二典企欽崇

題瀛臺木變石六韻

香宸前墀峙稜稜勝國留莫稽來所自難悟是何由風
雨長林裏荆凡大海陬精華有獨得氣味本相投寧介
榮枯意還辭斤斧修春明如續錄文獻此堪求

即事

雪酥晴旭蕩煙光羣玉叢中詰逕長得句便書宣硯匣
懋勤供奉又應忙

新春豐澤園

今春豐澤真豐澤珠有光輝玉有煙潤蔚千膳物勾甲
融調太簇氣規園柳絲積素消垂雨簷筋條冰化滴泉
亟待西來新使到蓼蕭好與荅韶年

題鄒一桂五香圖

桂

已豔劉安口那論吳剗手似語同馨者於秋獨能守

菊

聯桂自居弟願梅堪號兄合是徵士友色香總絕清

梅

斜掠一條冰品題難揣稱圈圈點點裏直是佛心燈

蘭

入衛風人詠宜楚大夫滋即此足終古寧惟芳四時

水仙

伊人生面開別有五君子如語松栢竹共梅復於此

新春泚清院

西苑筵開惠遠人需傳外辦且逡巡石泉益峭緣經雪

金史四庫全書
卷一
竹栢雖蒼解媚春
趁暇仙壺聊悅目
開韶翰席越怡神
土膏香潤向陽草
念到農田慰是真

雲繪樓

棣通景物鬪韶妍
又見魚鱗皴遠天
水墨丹青爭獻技
東皇寧許一家專

題同豫軒

在卦坤遇震德為順
以動利建侯行師
其說備周孔此
軒雖舊構以義實
常竦作樂崇顯承
清刑服林總鳴凶

有必吝介吉無虛恐盱視遲則悔大得朋接踵貞疾蒙
業安成渝致戒重六爻苟通情大易寧鑿空于馬觀玩
辭如弗勝洞洞傳詎藉田丁榮如讀鼉董庭前植碧梧
吾將企姜菴

瀛臺賜宴安集延來使即席得句

奉檄猶慙力未宣

安集延奉將軍遣侍衛檄諭即欲協
擒霍集占兄弟以逆賊未至彼境即

專使籲
請入覲

石旋書捧使來專閑關難學漢光武謁陞何期

安集延西苑都稱到天上南蘭羣喜沐恩先

時拔達山
使尚未到

仰流嘉彼明於順三接應申錫賚駢

坐冰床至悅心殿

筠沖錫宴有餘閒瓊島韶光暖鏡間尚可翠鷺輕桡試
徐過玉螭一橋彎凍酥岸覺看波漾春到物知聽鴈還
是日聞
回雁聲今日悅心真恰當窓憑積素慰開顏

慶霄樓即目

堵波高矗傑樓橫伊字當前三點成霄是眼華由景慶
月如心印任虧盈且遲慧草緣階茁正喜唐花映座榮

繡戶懸燈從未賞常年孤負此稱名

題閱古樓

壁勒千年字

壁間列嵌三希堂石刻全部

架藏四部書每因暇來憩

欣與古相於翰墨漱芳潤雲烟幻卷舒欲詢陸司馬所
閱竟何如

金廷標聽泉圖

奇松既埽壘詭石復礧礧振鷺落巖間繇會八音夥高
人耳屬右廼頤語其左是曰以目聽於斯何不可

御午門受俘馘

函首霍占來月竈傾心素坦欵天閭理官淵問寧須試
驃騎窮追實可臧西海永清武保定午門三御典昭詳
從今更願無斯事休養吾民共樂康

瀛臺賜宴拔達山來使即席得句

歸俘獻馘識忠誠貢使隨來萬里行第一西方足嘉國
無雙天下此都京俾觀禮樂三千盛待賞煙花午夜明
重譯又須宣象寄

近始畧習西語可以不煩譯寄而拔達山居極西語又異於葉爾奇木故

仍須回人
譯彼語也
筠沖語異
遂濠瀛

題張宗蒼水軒吟眺圖

雲深小結廬溪閣
宵而䟽靜憩羲皇
晝澄觀上下虛蘧
然夢有蝶鄙矣嘆
無魚門自不如市
寧稱心水如

降旨加開恩科詩以紀事

有序

南極燭榮光推

恩因而錫類西瀛
宣愷樂振武即以
揆文每庚辛典數
十年宜甲乙科開
兩榜慶方覃於多
士令允協乎

始和夫詩曰思皇載蒸薪樗易云利見亦彙茅茹
庶幾合萬國之歡並躋

仁壽抑且歌九功之叙彌翊昇平吉語既沛十行長言
爰賡四韻

七袞將稱

萬壽杯定功况復遠人徠允當偃武修文會嘉興秋闈
春榜開施惠匪沾行小惠育材所願得真材杏華桂粟
芬芳萃瑞應今年戴斗魁

文徵明晴山策騎圖即用其韻

吳天晴似未晴時過雨前村水滿陂
款段溪橋如怯步因之也與意俱遲

瀛臺曲宴外藩

仙壺曲宴谷韶年舊典惟遵憶
懋聯北漠戶庭真密邇西瀛表
帕許參連

蒙古王公等朝正來者賜以曲宴歲以為常今歲並令四部來使入席且

奏回樂 兜離歌與任僭舞拔達山將安集
延近悅遠來寧

易易側身基命並乾乾

是日復至畫舫齋

賓筵賦罷小優遊韶月壺天耐賞酬已似乘浮冰欲解
却原不共水常流高飛迴鴈猶猜櫓負陟潛鱗未受鉤
綈几瑤箋供置句拈吟真是泛虛舟

鏡香室

花向鏡中看香亦鏡中吐六根及六塵錯綜互水乳本
來無定相名字幻爾汝曰鼻觀目擊羣指為妄語蒼頡
輟然笑已定難易古不如且臨鏡雨後風前佇是謂君

子室實卽化人所

題閼古樓靜室

千秋法寶聚球琳
三寸離鈎妙義尋
大士如如破顏笑
威音那畔祇而今

賦得一壺天地

十笏無餘地一壺有別天
虛窓足攬結徑偶延緣寡
落四禪表希夷萬景全
神襟惟妙達俗慮不期蠲
領要契元始入微得自然
張申如薦遇那擬問金編

沈周琴月圖

寂歷夜齋清文琴膝上橫四山忽覺響孤月十分明誰
洗箏琶耳獨怡雲水情虎頭不自寫付與石田生

琴月齋為

姑蘇顧廷悅書室名
見卷中倪岳序語

新正恭奉

皇太后幸圓明園即事

西山積素喜迎人今歲韶春果是春振旅三軍前後接

朝天使者到來頻

時諸部並遣陪臣入覲安集延使陀克塔瑪特等拔達山使額穆爾伯克

等已先後與宴而布魯特所
遣西拉噶斯等亦即日抵京
遯疏率與光明耀勞徠猶
宜燕行申畧得對時博

慈豫

壽徵福履自駢臻

鄒一桂松梅

花終色也梅偏潔樹縱林然松獨蒼乍看傳神已瀟灑
徐思寓意不尋常

新春御園即事六首

華鐙綵勝繪韶妍
瞥眼林塘又隔年
今歲春光早往歲
冰消乍可試蘭船

山亭水榭一相於
火樹銀花待節舒
所覺便宜定奚是
不須丙夜治軍書

安集延將拔達山
仰流羣集覲天關
勞徠行慶逢嘉節
敦儉焉能一例刪

西山積素矗遙稜
又見輕雲傍晚興
不雪何妨雪終好
由來知止定誰曾

鴈迴魚陟柳稊枝春到人間萬物知
觀象義經思茂對
惴矜惟是奉無私

先春三白地農宜山脚庭心總潤滋
原是朝乾夕惕所
敢誇累洽太平時

詠飛爆竹

一星燃燁炸萬片飛拔刺四句率爾成捷於響銅鉢

董邦達層巒疊翠圖

鬱鬱鬱復堂堂層巒望未央連林方縟綠疊巘間標蒼迴

出重霄上如臨員嶠旁問誰成好句憶是絳州王

御製詩三集卷一

欽定四庫全書

御製詩三集卷二

古今體一百十首

庚辰二

上元前二日萬壽山賜親藩及諸回部宴詩以紀
事

萬壽山光隔歲看初韶行慶駐鳴鑾朱琴儀鳳調伶史
翠釜供羊出大官詩孰蔡襄咏嘉祐節同景德宴蒲端
何期戎索茲開拓敬保金甌永乂安

樂壽堂

湛露歌餘報已牌名山延賞寄澄懷釣陶錦繡化工宅
松竹笙簧仙籟諧棄暇靜緣仍翰墨勾萌生意到根荄
憑窓別有慰心處蒼蔚西山勢又佳

冰泮

冰泮昆明湖溶溶新水漾鷗鳬與鴻雁容與翱翔狀或
立戀薄水或泛喜輕浪虞戈那令施水圍曾不張物各
適其適我亦暢所暢抑更有深慰水田蓄胥旺耕壘可

弗慮春耕定無妨三白更優渥殊勝去年况偃伯人情
熙舒疊春工皂雖然敢怡悅怡悅斯心放

石舫

解凍喜澄鮮飛龍艤岸邊碧蓬眇煙水華燭繪韶年歷
詠故新句坐看來往船彼原有所待此舫祇如然

尋雲亭

尋亭遂至雲深處雲與亭渾不可分謝朓未知一合相
隨山見說去尋雲

題夏圭山水

焦墨曾聞待詔精，山川韶秀繞江城。
殊非畫院殊蒙璫，亦有幽居亦利名。
野水漲生落漁網，春田雨過出村耕。
展觀詎止雲煙賞，臧植民依總塵情。

上元前夕曲宴宗親紀事

帝室韶年敦叙宜，笙歌酒醴荅昌時。
內安外靖均

天澤授，几肆筵中燕私，却笑耐金聯瓊弁。

漢會諸侯例
貢耐金，金不

足者有罰
此何政體，怡歌行葦燦棠枝，西樓燈火須留看百技新。

增葉爾奇

題金廷標十八學士圖

當年學士號登瀛
天榮居然是玉京
試問圖中擬仙者
果真誰忘世間情

上元夕恭奉

皇太后觀燈火

樓頭歲歲奉

慈娛今歲

慈娛勝且殊樂聽侏離復僛僛舞看跽劍與都盧明燈
忽綴千珠網翠火全張

萬壽圖所喜

萱階紓念切敢誇蒲海奏功膚

上元燈詞八首

銀蟾十二度虧盈初度團圓分外明況喜農田三白兆
更逢絕域武功成

村燈社火鬧閭閻一日樂原可聽諸那忘去年當此際

六鼇山底治軍書

三元嘉夜福駢轡
翦綵流黃歲歲新
荅臘都曇擬響處
太平音裏太平人

龍從鳥集舞林離
跣劍尋幢呈百奇
拔達山將波羅爾
聽觀鳧藻喜閑知

都盧技本外方來
漢使艱難鑿空開
試問千秋摘句者
分明親見是誰裁

暮景西山霞脚紅
須臾寶月正當空
一家中外聯茵席

金史卷之二十一
卷二
底論空桐與大蒙

秋榜今年樂育材
玉關振旅賦歸來
佳哉此夕華燈下
太喜花開照世杯

千葩吐燄霎時中
殷七應輸技未工
原有蒲簾延月者
愧言此樂與民同

題金廷標放鶴圖

一鶴立苔蒼
一鶴翔松古
翁僕齊拍手呼之
鶴喜舞迴顧不肯飛
似與其儕語
稻梁隨處安
奚必青田圃
是謂

善寫照傳神在阿堵故實斯已多那辨張天林連許渾

上元後一日曲宴廷臣

翼宵曲宴集公卿豫樂胥殷恭敬情款鹿高絙縱奇麗
蓼蕭湛露本和平相於卜晝三巡罷同此祈年一念誠
繡簾草蟲吟唧唧對時堪驗物勾萌

過望依然寶月輪歡聯泰陞荅韶春剏欣絕域功成日
尚繾長途振旅人時將軍兆惠等班師至哈密尚未抵京師耗磨走橋聽方

俗瑤箋斑管命儒臣歌聆需雅駢千祉共祝綏豐福在

民

張符出牧圖

猶龍曾跨背與馬不同風符亦傳神者肯教讓戴嵩
韓虎道古龍妙手稱擅世齊客有精論馬難鬼神易
濶步出煙莎寢訛天機秉我亦司牧人披圖叢深省

十八日間詠

排日閱煙花達陽時令順今歲有遠使慶惠更難靳三
白已優霑幸免望雲間祇慮泰或驕雖處亨尤慎高詠

玉局詩今古叅一瞬

戲成四友圖各題以句

松

性是白鶴孤形乃蒼龍偃試問如擇交可能遺楚畹

竹

倪迂瀟灑枝自取性情驗鳳影將龍文母乃失華瞻

梅

為愛衝寒意聊成照水枝逋翁得句後祇合罷言詩

蘭

氣味出塵凡丰姿自高格把臂君子林寧當厭生客

燕九日作

七日燈宵一日餘

自十三日放燈至十九日收燈共七日

樓西樓景醺渠

胥纏頭羣喜瞻天表挺臂何妨挽月虛

是日今肆馬上諸技畢復親率

近侍諸藩較射命矢疊中俾回使觀之蓋外夷所重惟武燈宵百戲彼雖愛觀不至如此驚服也

慶節

發陽原典故騰輝吐爛尚龍魚新年百務咸亨順為

去聲

是矜矜越凜予

摘梅謾詠

春氣到萬類萌兆無無時梅本華中聖先知覺後知古
榦育瓷盆培護咸得宜開花香且繇纍纍壓垂枝嫩朶
不得綻薦辦亦鮮滋是謂過於盛既盈必致虧又如向
隅者獨弗蒙陽曦繞樹悟斯緣摘摘試脩治十分去大
半乃露骨格奇酣放率屏却含胎留待披其韻始入畫
此舉實宜詩本非學陸凱底藉擬仝期銷人尚熟閑竊
惜夫何疑

張渥空谷幽居

幽居空谷是伊誰渥也無端筆寫之留去本末由已耳

武原徒羨又奚為

上有武原古錢居士題何年謝却塵凡事來與君家擬卜鄰之句

初春含經堂

土膏蒸潤滋春氣
蛩熙怡
蛩動鱗蟲肖
勾萌草木知
綺燈酬節罷
綈几棄閒宜
趣是詩書永
鑑惟今古
披芳欣梅韻
潔靜覺漏聲
遲觀象義經
玩元為善長時

題五妙樓

陰陽動靜互為根
智水仁山衆妙門
樓上雅宜讀周易
當前成性契存存

賦得恬虛樂古

藝苑五車聚心齋
十笏餘居今愛稽
古取實亦凝虛適
可分陰惜坦然尺
宅舒詩惟吟杜甫
史與論應璩竹薄
風乘爽松喬月入
疎仰觀魚俯察妙
義總如如

沈周水村圖

吳天欲雨雲低脚
靄靄淒淒隱翠峯
記得垂虹亭那畔

時時此景舸相逢

即事

燈事始十三例當收燕九金錢買底須煙火樂同後累
洽帝王都民物誠安阜上林及邸第酬節介眉壽却塵
百里外茅簷能此否七日霎將過鬧熱夫何有風每傍
晚停時哉斯亦偶不敢萌豫心且慢騰諛口

宋瓷駱駝

泉渠奇種出荒遐寫象雙峯亦自嘉乍可昂頭辭鞞革

漫稱閉口解埋沙致遙惟許哥舒翰負重得休紇那耶
修內陶成供秘玩詎期五國伴愁嗟

題張宗蒼山水

泌之洋洋大壑深石橋有而無路通屢屨之上箕踞翁
是巢許乎抑隱洪岫幌掃跡薜荔叢蒲輪鶴書求何從
白雲舒卷空谷風超然元著意正同

向陽草

雪足立春早融潤地氣升孟月纔過半向陽草已萌栽

培有如是大矣陽德亨枯茲蘇嫩綠孚甲含新榮與物
樂春臺對時宜怡情然予有餘思東郊將舉耕去歲非
豐年補苴聊濟泯籽種寧不缺緣此恒怵怵向隅苟一
夫吾過慙懷縈有喜何易言無逸勉以誠

王蒙林壑雲泉

曲注白雲端
渚然落澗底
色聲堪睥聽
閒立遲高士
道
筦會有餘言
泉發無滓顧
彼非陸賈望
表亦知裏

微雨

正月廿
四日

昨晚絮雲興濃陰間夜稱侵晨徐浙滙視土漸凝蒸潤
意真堪喜煙光雅入憑春膏霏特早奉若並兢兢

新春遊萬壽山報恩延壽寺諸景即事雜詠

懸燈列炬慶霄闌趁暇名山此靜盥祇樹法雲瞻寶月
如如不動鎮團團

寶塔初脩未克終佛樓改建落成工詩題誌過人皆見

慈壽原同山樣崇

先是欲倣浙江六和塔式建塔為
聖母皇太后祝釐工作不繇而顏

因考春明夢餘錄歷載京城西北隅不宜高建寧堵乃
罷更築之議就其基改建佛樓且作詩紀實題曰誌過

云

階際青青草布茵尋常行處不生塵
玉瀾堂外浴新水
鳬鴈鰈鰒總樂春

湖水昆明蓄已多雪消水解漲新波
林丞又怨艱疏洩
昨年司苑園者每怨湖寬水少不足濟用及秋冬雨雪
霑足坐命儲蓄茲春融冰解水勢頗壯有司又恐潰隄
有增築之議蚩蚩之見
固難與之論是非也
守例真工奈汝何

肖翹蠕動柳生稊脈潤土膏欲作泥却繼吾民于耜者
趁時佈種可能齊

萬物春臺果是臺韶光有脚見倪栽六橋那畔應偏好
分付東風待再來

題惠山園

位置全規寄暢園每因謁涉異同論數峯龍旱渾齊峻
一水梁溪訝討源松是綠虬低欲舞石如白鳳仰疑

騫借來明歲春陰况誰辨江南與薊門

已降旨明歲恭
奉皇太后

南巡

圓朗齋

潤土物熙怡晴旭春和盎妙矣天一笑條鬯被萬象對
時惟予臧體乾更予仿靜實動之根元者善之長試看
造化功夫何有偏黨橐籥奉大圓洞屬懸日朗顧名每
思義敢曰恣偃仰

知春亭口號

春來萬物盡皆知何獨知春四柱茲仁者謂仁無不可
樂其所樂有如斯

味閒齋有會因而書壁

謂間有足佳周書無逸披謂間弗可尚大易訓從思權
衡於其間身心知異施心欲安而泰然非屏敬寅身欲
勞則勤却匪憧往來叶虛齋額味間所味誠如斯惜哉
少年過無可置諸師

含新亭

蚍蜉啟戶蟻蒙

同蒙

飛苒甲青青細草菲今日攜詞何處

好含新獨喜寂知幾

雲繪軒

幾縷春雲散復凝豐隆繪事可稱能便消碧宇誠何礙
設釀甘膏實絕勝惟此祈農心寂切輸他學畫法堪憑
清吟數首足攄興勤政言旋叶庶徵

題錢維城棲霞山圖疊舊作遊棲霞山韻

走筆無端寫攝山忽到眼根前不殊疊浪高拖嶺
宛識玲峯下有泉高士隱蹤昔肥遯大家畫法此齊賢
未來過去胥權置

將以明年復
舉南巡之典

且爾相於玩偶然

玉斗

亞父未推前謫仙已眠後芥蒂兩不知誰與辨是否
他山石與磨精製說宣和泛索稱春酒朱顏拚半酡

錢貢溪山雅集圖

四圍綠竹草堂間堂背老松獨蒼然客來不速知主賢
尊酒簋二足賓筵古今商榷無俗言觀畫可以論世焉
爾時祇合娛林泉有誰為賦白駒篇

賦得綠滿窓前

春色露端倪窓前綠欲齊對時此宣席發義昔濂溪詎

金匱要略卷之二十一
卷二
讓貧富谷寧同芝木畦生機
蛭蛭畫意添萋萋蝶翅
迷銜蕊鶴來猜印泥化工誠大矣一氣與全提

題富春樓

園樓久額富春名曾未題詩太懶生
拾級試觀秦元德
拈毫敢忘體乾情雖然紅紫遲酣放
要識機關在始萌
色色形形從此望憑欄次第待閒評

湛碧軒

凍解蘆索流漸湛然凝碧一池竭
覽楣間題額真是應

節及時

愛山樓

問誰無所愛仁者乃愛山斯樓得斯名願寧不腆顏能
仁渠去聲足當為仁願勉旃鳥語花香地春風秋月天皆
可謂之仁憑窓攬結間

戲題杼藻軒

天工繪事錦春羅江硯宣毫供玩哦子美集中翻小樣
賦詩又道不須多

丁觀鵬竹林七賢圖

嗣宗青眼攜子咸肄夜舉白微醺酣河內背立若後至
忘言之契遲何嫌伶揮毫正頌酒德秀罷佐鍛蒲葵拈
卿輩意復易敗耳俗物由來有理談

昆明湖泛舟擬竹枝詞

凍解明湖漾綠波新蒲迴雁識春和六橋一帶誰渲染
借得蘇隄畫意多

前朝微雨潤如酥今日春烘耕織圖那為去聲無端供問

景所塵紉婦與耕夫

玉泉山色沐纔如便擬溯洄聊待諸匪止遊知不可亟
大都興亦欲留餘

西山倒影翠猶濃只少南峯與北峯便使不差一些子
白蘇麗句孰齊蹤

鷓鴣鷗鷺浴還飛曾未傳宣放水圍詎是飾辭助生氣
也緣觀物任天機

竹枝本是湘竹枝一篙兩篙畫舫移移向前川宛湘浦

底殊弄影故林時

藻鑑堂

堂據碧湖中水消舟始通規形是秋月攬景恰東風有
照初無示惟明抑且公鑑人如不棄絜矩自吾躬

鏡橋

清遊半晌暢清吟足副前朝騁望心宛轉鏡橋迴棹處
任誰訝認是山陰

賅春園

捨舟願空澄拾級登峻陡勞逸豈不殊知常道乃久小
園築山陰亭臺頗亦有遊目足謚懷契神可默口賅春
曹賅春詎謂富花柳選注設相衡信非自享帚

翠籟亭

洞庭雲門似矣八音六律小哉試問仙璫何自泠泠翠
鳳吟來

題徐揚芙蓉水禽圖

照水芙蓉落瓣鮮雙魚喁喁意怡然窺潭鷗鷺垂涎立

挾彈寧防有少年

夜雨

正月廿七日

響靜占風鐸寒生報夜籤
隔虛聽淅淅懷遠罷漸漸
澤慰誠厚駢恩敬益添
東郊利耕溥不寐審何嫵

西直門外

初泮朝煙切曉涼潤侵蘭
埒土酥香憑輿別有生欣
處
綵毯含風動麥芒

枳籬茅舍石衢隈
馬踏輕泥不作埃
遠看新紅近失却

山桃一樹忽將開

下隰高原潤意濃
青圻即日可興農
原常來往經行路
似此佳春得解逢

瀛臺宴拔達山諸部回使詩以紀事

遠使徠朝宴遣歸
傾誠憐彼戀依依
燈宵剛度韶春麗
夜雨欣晴瑞旭輝
乍可頒錫聯撒荔
何妨卉服接絲衣
從來曰信大蒙重
安爾耕桑永受機

太液池泛舟即事

錫宴花門備禮容垂間蓬島泛遊龍

名舟

仍攜帕首俾同

樂所喜葵心總致恭春水生來蘭葉細霽煙低處柳條
濃西瀛試問為何若道是真如天上逢

半月韶光爾許殊冰消滌沆水平湖更逢雨霽祥暉候
可喚仙遊碧海圖理趣鳶飛復魚躍生機白芷與青蒲
對時懷遠胥和順益凜虧益奉化樞

題漪瀾堂

凍解碧瀾漪憑窓又一時影翻橫梧練色借蘸楊絲圖

畫難容擬貞元誰所為高齋設致語道是祇如斯

古柯庭

古槐五百年幾度荆凡閱春明跡已邈淳于夢亦歇閒
庭構其側几榻皆清絕樹古庭因古偶憇輒怡悅滿院
綵瓊陰一窻黃夾纈顧竹如得朋比榆自多潔壁間逸

史畫

室中懸姚綬畫雲根老樹槎枒正與
古柯寫照雲東逸史綬所自號也

早為傳神設

晷畫軒

小憇雲軒片刻閒俯臨近水復遙山石渠底用攜佳卷

六法天然丈室間

澄觀堂

開福寺傍書室名

五龍亭久液池堦闌福重修種福田
大氏舊聞增目下何妨新額揭簷前
春風秋月隨時會後樂先憂興物甄
澄到無澄觀始得心期擬似水同然

倪瓚枯木竹石

古樹欲生雲踈竹如搖風對之多意趣
學者為愚蒙

二月朔日作

青春乍臨仲夏葉舒其芽奉時行慶中一月倏忽過齋
居喜簡靜靜裏足研摩亦非遠稽古企彼文學科亦非
暢吟今賦詩實已多於時切自省惟覺怵惕加武城諸
緒救澤沛三農和

天恩有如此何修而得耶瞻彼日月明尚有昃虧蹉吾
寧不懼哉後樂誠無何

題金廷標人物

舍薪納履且遲行樵伴迴看若有情一例鴟蹲自結繫

文侯胡乃獨傳名

仲春祭

社稷壇禮成誌事

春祈蒞祀曉暉曛

社稷鴻庥

天地同鉞首兩珪象生物方中五土表元功夏松殷柏

開宗古

后土

勾龍協饗崇

墻外馘俘獻耆定每思

優貺惕深衷

仲春玉泉山

新年併度攬煙宮麗日和風景物融青遍莎茵生喜意
紅芭樺纈識春工山光自辨為今昨塔影明標非色空
硯匣琉璃堪弄筆顏筋柳骨恧難同

華滋館

冬雪春膏脈土宜華滋今歲允華滋莫嫌紅紫遲酣放
耐可韶光蘊釀時

飛淙閣

飛淙自在泉石高閣乃身其名可悟主賓無定益覺雲
水有情大珠小珠空落日面月面煙生香鑪暮問李白
三千尺此何爭

涵漪齋

今歲陽和早凍消春水生漾風翻細皺暎日澈新清梳

漱蘭苔茁垂浮鳬鴈鳴察觀一俯仰化理面前呈

竹鑪山房烹茶作

第一泉邊汲乳玉兩間房下煮鑪筠偶然消得片時暇
那是春風啜茗人

靜益書屋

靜固山之體佳山靜尤謚書屋適在茲受益良非一著
蔥縱待榮峭蒨常標質觀理置簡編體道悟名實可以
永歲年詎惟消月日

題王炳山水

招提蓮社白雲隈
門外飛泉落澗洄
訝彼客人豈陶氏
石橋何事策驢迴

仲春經筵

文華廣殿御香芬
啟迪疇咨大雅羣
詎止循名欲求實
敢因戢武忘崇文
飛潛動植堪觀化
和一慎難總屬君

是日書題四時行焉二句經題其難其慎二句講官各就本條衍繹朕以時行物生蓋孔子知命耳順以後示學者真實至當之理非因子貢以言語觀聖人徒為是不待言而可見之語又諸家解尚書率以難慎屬君和

一屬臣不知太甲不惠阿衡是不和庸罔念聞是不一
過訓允德是既和且一則和一亦當屬君始非泛訓之
辭因抒所見著論折衷非欲畧述會心非逞臆躬行惟
與訓詁家爭堅白異同也

是勉尊聞

二月初八日謁

陵啟程駐蹕煙郊行宮作

翠罕歲筵啟詰朝

橋山展謁告兵銷面瞻煙墅樓橫近背指潞城塔矗遙
踰地黃金柳吐穗際天綠玉麥含苗行宮清謁還徼倖

免治軍書飭善教

馬上見耕者得詩四首

土膏潤澤農耕早
侯主侯疆各命羣
春省由來第一義
見斯寧不為生欣

淳風自在十家鄉
婦饁男耕不怨忙
此是四民寂佳者
書云愛土物心臧

臘雪春膏脈土滋
乘時力作恐妨遲
去年曾記艱耕種
良幸良欣良惕思

看耕端是勝看花那覺鳴鞭廿里遐分付長官恤民隱
乏籽種者不妨賒

白澗行宮晚坐

柳金搖覆草茵萋間館瀟清古寺西却祇隔牆看旂剎

那曾尋徑問優尼

行宮左側古寺乃尼院
性不喜尼從未過問

南臨薊野春

和起北接盤山夕靄低月過上元動歸靜一鈎妙義更
重提

薊城路戲題二首

昔此薊城路謂有江南意乃從想像得曾未親嘗味今
此薊城路謂有江南意斯則兩經巡得想於攬轡昔想
幻中幻龜毛兔角譬今想幻中真鏡花水月寄然兩非
真真真真究竟是叶能仁居獨樂欲以此意置

幻幻本無真一過跡已掃幻真餘芥蒂繾思反不了何
更求真真是謂增煩惱露柱與燈籠至今誰見道知然
而嘵嘵笑煞釋迦老

獨樂寺小憩

菴羅曉日憩祇園繹思

去聲

標題漫推論究與金仙不同

道子與氏昔有名言

駐蹕翠雲山房

一區巖館翠雲間至止春風磴道攀
蕙草戀驄遲過步
杏花迂客笑開顏
在斯信宿原當去
就此評量合號還
分付高齋記
吾語不還還處祇閒閒

杏花

前朝御園中桃芭纔欲放
今日行宮側杏朶則已旺
始

信陽春脚與人不相讓一枝出牆頭
豔豔東風颺客來
固有情客去原無恙


貯雲亭

蔚蔚英英無定姿入深散步意俱遲
巖前彈袖忽飛去
分付山亭與貯之

天半舫放歌

人之好奇有同然顛倒名象圖新鮮
於船號廬斯廬耳
於室稱舫又舫焉其實室廬與船舫求真不得均幻傳

山館有樓天半懸因之曰舫較舫安出沒濤山有靜趣
泛濫雲海無驚瀾呼吸顯氣遊以天何須駕之東瀛渤
遠涉蓬萊方丈求神仙



御製詩三集卷二

欽定四庫全書

集部

御製詩三集卷三
四

詳校官侍郎臣謝墉

助教臣常循覆勘

總校官原估允臣王燕緒

校對官修撰臣吳錫齡

謄錄監生臣連彭年

欽定四庫全書

御製詩三集卷三

古今體一百八首

庚辰三

恭謁

孝陵

隔歲我來東

珠丘敬告坊

衣冠天浩渺松柏歲菁蔥
凡此封疆拓永維

庇廕蒙蓋臣皆努力幸與初時同

恭謁

景陵

西域已班師

東陵展祀宜闢疆二萬里奏績五年期

默默深叨佑悽悽更益悲敢云成

祖志

祖志注今斯

臨

孝賢皇后陵寢酌酒

謁

陵之便來臨酌設不來臨太矯情我亦百年過半百君

知生界本無生庚回戊去誠倏爾

先后以戊辰仙逝
今庚辰倏一紀矣

日夏夜冬有底爭掃却喜愁歸靜寄盤山山色實相迎

桃花寺行宮作

寺側行宮信宿佳有泉有石有書齋桃花已供去聲香巖

餘貝葉不萌枯樹芽每讀舊詩擬易句一觀新景又忘
懷虛窓騁望吾原慣萬壑千溪畫幀排

再題桃花寺八景

湧晴雪

乳竇涓涓噴玉岑晴空六出濺瑤林何當著箇山亭小
便可名之曰洗心

小九疊

似妒山腰稱趺突却從林頂落飛泉高高下下雖殊狀

九地靈機接九天

吟清籟

不計春秋翠鬱蒸
每來愛聽籟聲澂
如今擬問陶弘景
似此高樓值幾層

坐霄漢

地迴由來俯見卑
開襟萬景攬無遺
寸衷常有居高惕
那覺安心坐在茲

雲外賞

度索蓬萊弟與兄庭前幾樹正芳榮便稱雲外延清賞
也合呼之是赤城

滌襟泉

輪廣山池纔幾尺渟泓古鑑自千秋襟懷芥蒂誰能免
常藉滌煩一日留

點筆石

散步探奇倚碧椒地靈構思亦因超得詩便可揮毫泐
絕勝丹楓與綠蕉

繡雲壁

亦有濃青亦淺朱
春雲為段簇花鋪
杜陵詩合臨秋看
試道當前更底殊

駐蹕靜寄山莊二律

名山與我有宿約
旋蹕定當數日留
嵐態松姿恰宜意
舊題新什檢從頭
軍書幸免常問夜
活畫還疑鎮對秋
却是春工不相讓
紅紅白白早迎眸

石墻高下護林園
幾樹杏花紅映門
峯意總教含道秘

金匱要略卷三
泉聲那可廁人言心知靜好難耽靜耳厭喧囂易引喧
無逸一篇還在手為予職是牧元元

貯清書屋

嵒巘復峻嶒千迴將萬層雲關纔得叩石磴更須登步
處那辭倦坐來實絕勝龍標工比物一片玉壺冰

雨花室

岬嶂得畝平精舍引奧詰矮簷雖妨帽樸席可容膝徒
因限地勢詎云卑宮室所攬固不窮獲通恒以室又能

引靜思萬緣歸澹謚

題澹懷堂

背障端宜別業脩
種松高已勢齊樓
三春也自紅如濯
太古終饒翠欲流
理趣所欣元是善
心期惟與靜為謀
於斯致遠無明志
津逮何妨問武侯

柳

蒼松翠柏得相於
隄上陌頭自不如
綠柳何曾讀家語
擇交解與善人居

雲林石室

詭石根旁出怪松
隱嶙埵壘歷千重
却疑雲棧何時盡
忽訝草廬覲面逢
到此誰能心不靜
況當春自興偏濃
雖然乃更艱成句
為是名言喻莫從

讀畫樓

詩中有畫畫中詩
語著坡翁意可思
今日樓窓一再閱
始知妙合此間宜

受宜居

小齋十笏足周旋
虛受惟宜萬景全
仁者見仁知者知
義經象此注真詮

古中盤作歌

靜寄望中盤中盤隱不見中盤望靜寄眼底畢呈現松
門之下有路通石棧跋馬無塵蹤天風謾謾寂人意乃
得徑造盤之中田疇先生今何往呼之欲出可想象必
芻經律兩不知爾輩風顏却非曩東首飛亭瞰虛無憑
窓縱目有是乎石亦磊磊松亦株株壁如梅鹽薤醬不

過眼前日用物一經易牙調和其味頓與尋常殊

少林寺墨舊作韻

山深春似秋得地萬松頭自謂無佛分其如與我投五
言促成句一晌適清遊策騎往雲淨鐘聲下界流

雲淨寺

四山霏翠雨一逕入花歧大士如如相高樓了了披坐
來襟袖冷望去柳桃時案上置新志

時盤山新志成
命分置各寺全

盤宛在茲

千尺雪四首

園門西北對山開策騎遊山半刻迴石屋向題千尺雪
便中聊一俯潏洄

流泉石底萬溪淙匯作平池蔭古松雖是寒山名假借
天然覺足傲吳儂

適看陰嶺還餘雪復有消成水幾灣綠柳紅桃春物盛
無窮景荅片時間

竹鑪茶鉢供清陪便吸春風茗一杯笑指碧溪流水道

源頭何較我先來

半天樓

適來山中遊富攬山中景歸園未卓午因復登崇巔高
樓坐天半萬槩從新領是豈悟知足且非觀平等然吾
有轉語道本無止境契真動亦定遠俗喧皆靜寄興固
不淺得句常因迴

婉孌草堂作

婉孌重來坐草堂春風風物物昌昌為思季女詩曾詠

恰看高人畫又張

中懸董其昌婉孌草堂圖名堂亦因此

石罇瀑懸常帶

潤松間籟泛每含涼本來靜寄園閒趣逐處搜題轉覺

忙

對瀑

山中流水多垂崖即為瀑是瀑以何佳佳在對我屋振
鷺難形容噦鳳非五六前歲耳邊音擬擬無斷續

題董其昌婉孌草堂圖

墨氣山光分不分迎窓罨壁相

入聲

氤氲了應三絕一齊

置真者當前翁所云

香光自識云觀李郭畫不復設色
米元章云對唐文皇跡令人氣奪

良然

交翠榭

綠環蒼抱蔚陰濃
雲海林天凡幾重
設就石壇置丹鼎
永啼應得葛仙逢

雲起閣

春澤今年實可欣
却因雲起又思雲
許家詩裏名斯閣
屈子騷中望彼君
柳綠杏紅相澹蕩
山嵐谷靄與氤氲

何當為雨滋三寸種遍東郊利早耘

夕

春雲傍晚濃春山易為夕春鳥亦歸林春齋清可適
蒼低孱顏蒼蔚侵簷隙不至望雨勞且免壽邊劇宵燈
奚遣閒開卷即有益

夜雨

二月十三日

一更淅淅山雲低細雨霏似春煙迷然乎否乎那可定
瓦雀簷下尋巢棲

二更徘徊剛就枕隔窓藻藻雨已審顓思三寸霑則佳
猶尚未焉誰安寢

三更假寐少偷眠眠醒雷注垂簷前檢校年來斯厚幸
不比驀報軍書傳

四更乍徐還乍疾農人明曉驅牛出果然聽雨發言泉
也教藻思抽乙乙

五更枕上覺增涼優渥當春大吉祥便可披衣看山色
無眠一夜信何妨

山中雨望

夜雨連晨晨更濃
配藜磴即復春容輕輿騁望能無喜
此喜由来總為農

前峯若失後峯連
條合旋開幻嶺煙
試擬今朝即景句
玉清真境小遊仙

昨近山行頗厭塵
千峯乍濯玉嶙峋
流朱飛翠開生面
樹樹花花笑迎人

去人聲

巖枝澗葉總霑濡
那計平疇渥也無
便是霏空勢徐止

經喬木下鎮垂珠

三春尺澤遇曾無嘉霏祥霖有是乎振旅宜農駢美慶
惕亨恤泰益塵吾

再題雨花室

維摩室雨花而我以名此間常未識妙妙意今觀止山
雲拖雨來片片絲絲委真蹤不可求空象難為擬是惟
大吉祥夫豈紛紅紫

池上居

雨中坐池上氣味雅相投細浪涵繁點飛湍助壯流
駢朱杏入影點翠柳開眸魚躍於天半寧知寸木樓

晴

好雨剛看湊好晴峯煙輕泮峭寒生杏紅潤裏盈盈笑
松翠流邊謾謾鳴沙淨前溪暗消影瀑含遠峽怒來聲
予心別有生欣處稻下黍高總可耕

題鄒一桂杏花

雨過春山杏萬枝花花朵露珠垂却疑此樹何獨異

徐悟伊人能爾為

東竺菴中粉本成

甲戌歲於東竺菴曾見盆杏為之寫生既命鄒一桂設色為是圖並題以

句雨窓重詠俚指又六春矣

無端設色命春卿即今江國揮毫暇可

憶田盤扈蹕行

賦得松湍流韻

泉蔭松為蓋松垂泉作紳間中問與荅世外主和賓機
靜盈乎耳俗蠲會以神落空惟有賴接上總無塵不是
宮商調寧煩夔曠倫如因在治忽吾亦企還淳

擷翠樓

因迴為高便置樓憑欄適足暢吟眸
來青八牖納無盡
飛碧四山幻若浮
土可稼還泉可濯
春方暄更雨方收
老松新柳都增色
大令丹青遜一籌

得槩軒

文軒山半小樓遲
近墅遙阡座下披
得槩試詢斯所得
春風今度太便宜

石林精舍

盤山奇以石奇石此為最精舍纔三間磊磊遮其外渾
淪無圭角猙獰益古怪步深愜靜觀意寂得殊會所以
問盧龍田疇未肯賣

即事

杏苞李朶遍將開分付銷人莫浪推不是無端惜微物
須知天意有栽培

題張宗蒼山水畫

搜題宗蒼畫邇來畧遍矣盤中見是圖空白惜餘紙覲

面何處山科頭誰氏子想彼有卓識曰應隱於此對之
率爾言思之至當理

聞道士誦經戲題

元壇綴景置黃冠那擬流鈴與跨鸞今日魚山聞梵唱
可憐仙唄也當官

天成寺

一水緣溪溯兩峯排闥開向年曾屢訪今歲却初來雨
後松姿翠春前杏意皚最欣跋馬處曾不惹輕埃

萬松寺

天成禮佛便鳴鞭為愛萬松眼界前却歷千盤還萬磴
從來不易是登仙

松遭劫後仍還翠却笑山僧自賣鄰

往年寺僧伐樹牟利近刹居民因踵

而脫剝殆將童矣後經飭禁始復舊觀

翦伐禁偷山復古可知叅贊本由

人

春意山光胥可詩樓窓納遠小憑之天雞一唱萬緣息
祇惜無能恒在茲

盤谷寺

萬峯春雨後流翠更標奇
山寺來盤谷雲關讀古碑
全提僧不曉大意物皆知
雲罩猶天半驅駝莫漫遲

雲罩寺疊前歲韻

春山紅綠紛獻技爭東風
寺樓坐空濶却憶前年冬
青郊茲遍耕絕域早定功
藁街豎長竿籠首懸元兇
山莊畧無事忙是遍詩筒

前歲詩有傳蹕歸山莊佇覽達郵筒之句時回部尚未定也

東竺菴

雲罩俯東竺乃在萬澗底東竺仰雲罩遙遙天半矣曾
無片刻延盤磴忽至止萬事在人為自畫無進理大士
笑破顏適得一半耳

再題千尺雪

一迴遊寺一迴臨萬古如斯萬古音雨後石泉益清越
江南春墅祇而今未來可借明年景

將以明年復
舉南巡之典

過去

難尋昨日心昨日明年齊置却當前流水復高岑

唐寅品茶圖

千尺雪旁安竹鑪壁張伯虎品茶圖却似圖中人語我
不須如此費工夫

閱本

田盤對春雨方謂愜所願驛本自京來報霑剛及寸覲
土普潤滋遲待何妨慢究覺心憾憾致惜膏未遍慰無
終日歡縈有百里悶猶然憂四海吾那饒樂分

謾題

東皇寧藉費工夫色色形形物自模陌柳岡松同一翠

其間蒼嫩迴然殊

冷然閣

飛來高閣倚嵯嶢
颯沓為佳曠以昭
旬五底須徵故事
春中好是遇花朝
綠霏紅滴初經雨
蝶蛺禽旂總報韶
坐此却宜拋綺句
惟餘顥氣與相招

再登半天樓

三日田盤暢遠心
明將啟蹕重登臨
似茲結習寧為達
愛彼高居靜以愔
欲舞山花半仙態
能言春鳥不凡音

每來有詠緣何事題壁無過對碧岑

盤山花朝

花朝盤山亦屢度盤山今歲真花朝千峯萬壑總霞蔚
老松詭石還春韶雨後濕紅露含朶風前軟綠珠垂翹
剪綵綴林却底藉分棚張樂嫌喧囂何如澗泉鳴處流
錦片聲聲色色堪悟空同條

戲別引勝軒

虛窓置大食玻璃萬壑千峯座裏披獨是未能忘物我

興來輒復有言詞清風明月食無盡近景遐觀攬莫遺
却慙去聲三間如致問忽忽去者竟奚為

盤龍山行宮作

盤山曉別駐盤龍華蓋

盤山最高峯名

迴瞻翠鬱濃此是於田

聊一見已教氣象壓諸峯

樸宇雅堪一宿居庭花今歲不孤舒消閒底覺便宜處
到處芸香置有書

夕陰

田盤雨優渥西來覺不逮曾無百里隔何致頓爾異因
悟雲依山賓主自殊勢傍晚雲低田設雨必滂沛又不
能無望惟是殷祈歲

曉行

夜雨不成寸曉行仍復陰了無塵染袂且喜麥抽針野
水浮前渡村煙暗遠林清明節已近負郭杏花深

順義縣行宮疊戊寅舊作韻三首

忽作輕陰忽作晴由旬半日望中行離宮過午霏霞霞

額手今番料雨成

郊樹春煙釀薄寒新題舊什檢無端那堪事定憶未定

曾此軍書丙夜看

前歲駐此有佇待郵函報捷看及繫頭有待獻回渠之句

密雲傍晚低空宇澍雨中庭滿細渠成武兼欣兆農慶
天恩益厚益兢予

夜雨

二月十七日

春雨田盤足迤西未渥霑何期三日隔又喜一犁占剛
盼即蒙澤稍愁頓覺收

天庥駢疊被慄慄奉流謙

廻蹕詣

暢春園問

安

十日東巡濶問

安起居趨奉

寢門歡春郊雨澤誠欣意仙苑韶光已暢觀可報農占
足稱美定知

慈慮亦因寬然予切凜盈虛理祇覺為君果是難

御園仲春即事

春郊快攬綠年迴更值園花雨後開
姹紫嫣紅珠露綴含苞纈蕊信風催
水增新影涵白芷山改常姿點翠苔
却為疇咨疏十日畧無餘暇賞登臺

春雨軒

雨歇園花總濯然輕風暖日泮朝煙
禽音帶潤飄林外蝶影含香到埭邊
春色誰云無實相軒名今識不虛傳

獨予慰每兼憂切夏長秋收敢定前

含韻齋玉蘭

琢玉雕瓊已鬯開是何清馥襲人來
雅能點筆能無語
似道欣逢翠蹕迴

臘雪春陽培養佳彈芭擘蕊六株皆竹溪想像漱芳潤
比並人惟者箇諧

閒庭過雨濯瑤姿暢好清明貽蕩披便是來朝鳴蹕去
一年春閱碗茶時

鶴安齋

樸室水之裔嘉樹為其屏方蓬豈必樓心疑即斯境幽
禽翩然翔予予步顧影齋前性所安露下韻愈警我來
惟片時難值靜以永明月與清風合付胎仙領

題金廷標畫

水閣曝書芸帙開奚奴延望小徘徊船頭更有招呼者
為報主人載鶴來

山將欲雨水先波景可行看事可哦便是畫家工別裁

去聲等閒不較法如何

北遠山村

山村邇歲畧稀遊
雨後偷閒試泛舟
桃李清溪穿一帶
詩吟摩詰雅相投

清明時節自年年
何必虛名說禁煙
榆葉杏花交隱暎
鳴榔聲裏又前川

拍隄新水浪紋涵
綠柳紅花天蔚藍
記得南巡好景在
行春橋接石湖南

青蒲白芷碧溪灣入影新螺過雨山有喜近臣許知得
那知喜在稻田間

仲春含經堂

我愛含經名更繹含經義汲古緬韓綆佩文企邊笥延
清披宸香行春返旌翠於時月之仲快值雨初霽羣芳
既駘蕩韶光復明媚寧惟寸陰惜兼觀萬物備

題錢選三蔬圖

黃花翠葉滿畦芳伴食無過此味長寄語青綾被底客

謾須虛飽大官羊

右菰

試參善知識應同便憶韜光山下重
此路中能尋解脫
底須更問葛陂龍

右筍

風霜經慣祇如如沙壤金城根葉舒
繪事詎工味須識

早曾小幘仿三蔬

舜舉別有三蔬小
幘向曾臨撫一過

右蘿蔔

清明日

安佑宮行禮

東陵迴待謁

西陵冷節偏逢感不勝

神御拜瞻思

色笑宗藩陪叩視嘗烝

近支諸王及皇子等並隨行禮

冷淘槐葉詩傳

好春雨杏花繪比能敢向園亭酬景物對時惟是凜繩
承

二月廿一日恭謁

泰陵啓蹕疊乙亥韻紀事

東歸既蒞

祀西來緣上

陵啓蹕疊舊韻往事迴憶生

舊作有命師奠西極有逆事告二陵之句

者畢掃穴順者昏來庭展謁叩

默佑首頓駐翠旌拓疆萬餘里告功五易星郊勞循

祖典即看舉回程

將以二十六日黃新莊時將軍叅贊大臣等凱旋至

告功禮成旋蹕

郊即於翌晨詣良鄉縣南迎勞其築壇張幄列
肅拜 天諸臣以次行禮觀謁一遵 祖制

將軍兆惠富德差乾清門侍衛來請安詩以賜之

數年萬里未為遙遙在將逢隔五朝却為勞儀待旋蹕

時將軍等凱旋近郊擬以二十七日上升回程具儀迎勞如三秋念轉無聊

麥色

麥色西來蔚似東隴乾覺畧有塵蒙問知霑未一犁土
為望澤殷方寸衷何地非民非稼穡祈年是慎是初終
大房山作英英矣好雨應資綠野芄

半壁店行宮作

背山面水渠行館似村居柳葉當春護杏花今日舒閒
來誰問彼西望祇悲予底事消煩緒還翻要道書

夜雨

二月廿二日

傍晚微雲無雨望四更山雨湊雲來麥疇自利芄抽節
黍隴還期潤到芡隔牖不妨侵薄冷問途早是淨纖埃
今春膏澤隨人願實覺欣哉益惕哉

永慕齋

待漏行齋一宿居頤名思義愴愁予詎云皆可志希舜
却是知非年似遽雨後春雲猶護嶺夜深巖月迴含虛
無生大旨承

提命到此終難萬慮除

恭謁

泰陵

賈明峯樹辨

陵園趨謁

松宮冠劍存敢曰

志成蕩鹽澤亦云功定靖花門凡茲萬里遐宣武總荷
九天默佑恩二十五年如一瞬

鼎湖迴憶痛難言

秋瀾村

新波曲岸柳垂絲信宿閒齋小憇遲底事春來亦秋意
為予西望每淒其

二月廿七日郊勞出征將軍兆惠富德及諸將士

禮成紀事

京縣郊南親勞軍

園壇陳

燾謝成勲出師本意聊嘗試

西陲之役始以厄魯特諸台吉率衆欵附請兵甚力

我喀爾喀牧圉勢不可以錯處滋患無寧及其鋒而偏師嘗試特計因其地以撫之故 禍旗命將之典槩未

舉行語具乙亥告成碑記茲準夷既平而回中諸部以次戡定寔荷

上蒼

宗社鴻庥非敢謂先時逆

觀及 奏凱今朝備禮文釋甲弢戈罷征伐論功行賞榮

此也

忠勤膝前抱見詢經歷

國朝舊制凡出征將領成功還者行抱膝跪見禮以示優異今

即遵
行 一瞬五年戚以欣

同心萬里那睽違畢竟歡言賦采薇
勇將歸來兼福將
散衣著得解戎衣漫稱偃武修文日
恐即嬉文恬武機
飲至寧誇暢和樂持盈益勵慎幾微

御製詩三集卷三